



# HURRIYAT

O'zingizni anglat!

MUSTAQIL GAZETA

2013-yil 6-noyabr, chorshanba \* № 46 (850) \* 1996-yil dekabrda chiqqan boshlagan \* elektron manzil: info@uzhurriyat.uz \* www.uzhurriyat.uz

## ҲАМ САЁҲАТ, ҲАМ ТАЖРИБА

Гуруҳимизни мамлакатнинг нуфузли нашрларидан бири бўлиши "THE KOREA TIMES" газетаси тахририятида қабул қилдилар. Биз Корейс ҳамкасбларимиз иш шaroити, муҳбир, муҳаррир мақоми, ахборот олиш, қайта ишлаш, тарқатиш борасидаги қонунчилик, тахририят ҳамда муассис, тахририят ва ижодий ходим ўртасидаги шартнома шартлари билан танишдик. Ўзимизни қизиқтирган саволларга жавоб олдик.



⇒ 4-бет

## ДҲППИНИ ОЛИБ ҚҲЙИБ ФИКРЛАСАК...


Халқимизда ажойиб ибора бор: "Дўппини олиб қўйиб фикрланг". Бу нима дегани? Бирор мавзу хусусида гаплашадиган бўлсак, унинг ҳамма жиҳатларини, пасту баландини ҳисобга олайлик, шошма-шошарликка йўл қўймайлик, ҳолис турайлик, дегани. Адолат тарозисига таянайлик, инсоф ва диёнат чегарасидан чиқмайлик, дегани.



⇒ 6-бет

## НАВОИЙ ХАТТОТЛАРИ

Кўпчилик китоб, газеталарни нашр этиб тарқатиш тарихи ҳақида гап кетганида асосан Европада соҳага онд босма техника воситалари кашф этилган даврдан мисоллар келтириш билан чегараланишоди. Соҳа тарихига чуқурроқ назар ташласангиз, қадим шарқда беҳад камол топган санъатлардан бири хаттотлик бўлгани ва ўша даврлардан бошлаб, матнларни кўчириш, кўпайтириш ва тарқатиш усуллари қўлланганига гувоҳ бўлишимиз мумкин.



⇒ 7-бет

## ЧОРШАНБАДАН ЧОРШАНБАГАЧА

- \* Мамлакатимизга ташриф буюрган Венгрия Республикаси Миллий мажлиси раиси Ласко Кёвер раҳбарлигидаги делегация аъзолари Ўзбекистон Республикаси Олий Мажлиси Қонунчилик палатаси ва Сенатида учрашувлар ўтказди. Учрашувда икки мамлакат олий қонун чиқарувчи органлари ўртасидаги ҳамкорликни янада ривожлантиришга доир масалалар юзасидан атрофлича фикр алмашилди.
- \* 31 октябрь куни Ўзбекистон Республикаси Президентининг "Жаҳон чемпионатларида юқори натижаларга эришган спортчиларни мукофотлаш тўғрисида"ги Фармони матбуотда эълон қилинди.
- \* Пойтахтимиздаги "Олимпия шоншухрати" музейида яқинда Польшанинг Вроцлав шаҳрида оғир атлетика бўйича ўтказилган жаҳон чемпионатида муносиб иштирок этган спортчиларни тақдирлаш маросими бўлиб ўтди.
- \* 31 октябрь куни Ўзбекистон Республикаси Президенти Ислам Каримов Оқсаройда Ўзбекистон - Хитой ҳукуматлараро ҳамкорлик қўмитаси ҳамраиси, ХКП МҚ Сиёсий бюроси аъзоси Мэн Цзяньжунни қабул қилди. Ушбу қўмита ҳамда унинг таркибидagi еттига қўмитанинг мажлисларида савдо-иқтисодий ва инвестициявий, маданий-гуманитар, илмий-техникавий ҳамкорлик, шунингдек, транспорт, қишлоқ хўжалиги, туризм ҳамда молиявий соҳалардаги ҳамкорликни янада кенгайтириш бўйича аниқ таклифлар ишлаб чиқилди.
- \* 1 ноябрь куни "Тошкент - Марказий" темир йўл вокзалига навбатдаги "O'ZEL" туркумига кирувчи 4 та янги юк электровози келтирилди.

## Ўзбекистон Республикаси Конституциясининг 21 йиллиги олдида



Кўпмиллатли халқимизнинг хоҳиш-иродаси ва эзгу ниятларини ўзида мужассамлаштирган, тенглик, эркинлик, миллатлараро тинч-тотувлик каби умуминсоний қадриятларга асосланган Ўзбекистон Республикаси Конституцияси фуқароларимиз тенглиги, тили, дини, урф-одатлари ҳамда миллий қадриятлари гарови сифатида жамият тараққиётига хизмат қилиб келмоқда.

## Адолатли мезонлар

Халқимиз ўз мустақиллигини қўлга киритгач, Президентимиз Ислам Каримов раҳбарлигида миллий ривожланиш ва ижтимоий тараққиёт йўлини аниқ-равшан белгилаб олди. Конституцияда мамлакатимизда демократик тараққиётни таъминлаш, бу йўлда собитқадамлик билан олға интилиш, фуқаролик

жамиятини шакллантиришнинг асосий принциплари ўз аксини топди. Асосий қонунимизда инсонни улуғлаш, унинг манфаатларини, ҳуқуқ ва эркинликларини ҳимоя қилиш, эмин-эркин, тинч-тотув ҳаёти, фаровон турмуш тарзи учун зарур бўлган барча шарт-шароитларни яратиб беришдек

вазифалар ўз аксини топгани, айниқса, эътиборлидир. Айни чоғда, бу муҳим ҳужжат янгидан бунёд этилаётган эркин, очик жамиятимизда миллий ва умуминсоний қадриятлар уйғунлигини намойён этмоқда.

3 ➤

## Жамоатчилик кенгаши фаолиятдан

### Юксак маънавият ва руҳий бирдамлик сари

Кўшнимиз ҳарбий. Унинг салобати, жиддийлиги, эгнига ярашган ҳарбий либоси ва фуражкиси маҳалламиз болаларидан анчасини шу соҳага етаклаганди. У оиласи даврасига қайтгач, бутунлай бошқа одамга айланиб қоларди: болалари билан тўйиб уйнайдиган, ҳазилкаш ва меҳрибон ота...

Президентимиз Ислам Каримовнинг 2012 йил 24 октябрдаги қарорига мувофиқ Ўзбекистон Республикаси Мудофаа вазирлиги ҳузурида ташкил этилган Жамоатчилик кенгаши тинчлик посбонларининг турмуш тарзига, чин маънода кириб борди. Кўни кеча Ўзбекистон Миллий матбуот марказида Ўзбекистон Республикаси Мудофаа вазирлиги ҳузуридаги Жамоатчилик кенгаши ва Ўзбекистон Журналистлари ижодий уюшмаси ҳамкорлигида "Фуқаролик назорати механизмини шакллантириш, очиклик ва ошкоралик" мавзусида матбуот анжумани бўлиб ўтди. Унда Жамоатчилик кенгаши раиси Иқболжон Мирзаалиев ташкилот фаолиятига доир ўз фикр ва мулоҳазаларини билдирадиган экан, маъмур кенгашининг ташкил этилиши соҳада фуқаролик назоратини олиб бориш, очиклик ва ошкораликни таъминлашда

муҳим омил бўлганини алоҳида таъкидлади. Маълумки, аскар ҳам инсоний ҳислардан бегона эмаслиги, унинг маънавияти, дунёқараши, қалб кечинмалари доимий жамоатчилик эътиборида бўлиши зарурлиги ва бу ўз ўрнида ҳарбийларимизнинг Ватан олдидаги бурчларини сидқидилдан ўташларида ҳамжихатликни таъминлашга хизмат қилади. Анжуман қатнашчилари кенгаши ишини ташкил этишда Ўзбекистон Республикасининг Конституцияси ва қонунлари, Президентимизнинг фармон ва қарорлари, фармойишлари, Олий Мажлис палаталарининг, шунингдек, Вазирлар Маҳкамасининг тегишли қарорлари ва бошқа меъёрий-ҳуқуқий ҳужжатларига таяниб иш қўрилганини таъкидлаб ўтишди.

3 ➤

ОБУНА - 2014

Қадрли юртдошлар!

Азиз муштарийлар! "HURRIYAT" газетаси — маънавиятимизни янада бойитишда, ижтимоий фаоллигимизни оширишда, жамиятни демократлаштириш, халқимизнинг фаол фуқаролик позициясини шакллантириш йўлида замондошларимиз ҳамжихатлик билан бажараётган хайрли ишларнинг фаол тарафдорларисидир.

2014 йил учун обуна бoшланди. Сиз ҳам жамоатчиликдан четда қолманг. Обуна бўлинг!

Эслатиб ўтамиз: "HURRIYAT" нинг нашр индекси — 233

"HURRIYAT" ГАЗЕТАСИ СИЗНИНГ ДОИМИЙ ҲАМРОҲИНГИЗ БЎЛИШИГА ИШОНАМИЗ

## Парламент почтасидан

### Назорат ва таҳлил

Кўнун устувор жамиятда тинчлик, тараққиёт таъминланади. Ҳар бир қонун эса албатта, инсон омилига хизмат қилиши, унинг тинч-осуда, фаровон ҳаёт кечириши учун замин яратиши шарт. Юртимизда инсон ҳуқуқларини таъминлаш борасида ишлар, хусусан, Олий Мажлис Қонунчилик палатаси ва Сенати томонидан қабул қилинаётган қонун ва қонуности ҳужжатларининг барчаси инсон манфаатларига хизмат қилаётгани билан ҳам аҳамиятлидир.

Олий Мажлис Қонунчилик палатаси томонидан Сенат аъзолари муҳокамасига юборилаётган қонун лойиҳаларини тайёрлаш учун ойлар, баъзан йиллар талаб этилади. Улар дастлаб фракцияларда, умумий йиғилишларда, биринчи ва иккинчи ўқиш жараёнида батафсил муҳокама қилиниб, барча фикрлар умумлаштирилгандан кейингина Сенатга юборилади. Яқинда шу масалага бағишланган йиғилишда сўзга чиққан Палата Ахборот хизмати раҳбари Олимжон Усаров оммавий ахборот воситалари томонидан Олий Мажлис Қонунчилик палатаси ва Се-

нати томонидан қилинаётган ишлар, тадбирлар кенг ёритилаётганини таъкидлаган ҳолда, қонунни қабул қилишига бўлган жараёнлар ва қабул қилинган, қонунларнинг ижроси бўйича назорат-таҳлилнинг ёритилишида фаоллик кўзга ташланмаётганини алоҳида таъкидлади. Очик мулоқот кўринишида ўтган тадбирда Палатанинг назорат-таҳлил фаолияти ва қонунчилик лойиҳаларини ёритиш борасида тажрибали журналистлар ўз фикрларини билдирдилар. Шунингдек, анжуманда жорий йилнинг май ойида эълон қилинган «Парламент билимдони»

он-лайн танловининг якунлари бўйича йиғилганларга батафсил маълумотлар берилди. «Парламент билимдони» он-лайн танлови иккинчи марта ўтказилмоқда, — дейди Парламент Ахборот хизмати ходими Намоз Толипов. — Ўтган йилги маъмур танловда 4 мингдан зиёд йигит-қизлар иштирок этган бўлса, бу йил уларнинг сони олти мингга яқинлашди. Иштирокчиларнинг аксариятини мактаб, лицей ва коллеж ўқувчилари ташкил этаётганлиги, ёшларнинг парламент фаолиятига, қонунчиликда бўлаётган ўзгаришларга бефарқ эмасликларини кўрсатади. Олий ва ўрта махсус таълим вазирлиги, Халқ таълими вазирлиги, «Камолот» ёшлар ижтимоий ҳаракати ва сиёсий партия кенгашлари ҳамкорлигида ўтказилаётган бу йилги танлов ғолиблари Ўзбекистон Республикаси Конституцияси қабул қилинганлигининг 21 йиллиги арафасида эълон қилинади.

Жобир ХўЖАҚУЛОВ, «Hurrifat» муҳбири













